

太康縣志

道尹崔潤銘
署簽



民國三十一年

太康縣續脩縣志

省長陳靜齋



太康縣重修縣志

納民軌物

趙岫春



河南省太康縣志編纂委員會

序

竊查太康志乘續修於民國二十二年癸酉距今不滿十載似無再修之必要適於二十九年春奉文飭修未及遵行而是年九月十二日疊令催索因值亂離之際舊乘查存無多新志未克着手惴惴焉時以爲虞曾於去歲議修一次又因地處戰區是邦人士率多隱避延聘爲難舉而未果現以庶政設施雖未臻於完善而百廢日舉亦覺漸入正規茲於政務之暇憶及志乘一事實爲全縣文化之所關刻不容緩之要圖商諸僚友詢謀僉同乃設館於教育館從事進行聘周君金薌任館長郝君成廉劉君茂修副之並延謝祉延王雲峯分任主纂與編輯成章亦不時往來商確將舊志之可仍者仍之遺漏失次者補輯而釐整之及事變後之殉難烈士與政治改革黃河堤防種種建設一併續載務使是志之成能以信今而傳後素願足矣成章承乏桑梓計近五載無日不爲民衆謀利益此志之修雖云副前者之命亦以爲一縣文獻計也續志云乎哉民國三十一年六月太康縣縣知事郭成章撰

太康縣志

序

一



序

民國十九年冬鎮西銜命承乏太康下車伊始值戰事甫停閭閻凋敝瘡痍滿目時方竭智盡能救民水火之不暇文獻事宜固未遑也次年夏五主席劉公通令各縣成立志館以重文化迺亟檢校舊志實民國紀元前八十四年鄉先達戴公鳳翔宰斯土時所修鉅典久曠嗣續之舉詎容再緩遂邀邑中各當局並搢紳耆宿討論進行不佞承各界委重肩任館長百年絕緒責更莫貸幸邑人士出其民十七年初稿乃大體已具未付手民者於是羅才開館推郭君馨坡副余領館務並聘王君和卿益以幕友賀君望雲蕭君冶成分任編輯適邑孝廉朱君靜山歸自淮館即聘總其成相與廣事蒐輯嚴訂體例取資舊稿補闕正誤鎮西政務稍暇亦恆詣商榷八閱月而志稿告成同人不敢自信則又敦聘息縣劉盼遂教授精加筆削期無遺憾凡此皆由馨坡君始終其事暨在館職員各矢辛勤以勦厥成鎮西亦籍以副省府之功令步先正之後塵矣抑予尤有感者此邑嚮稱富庶壤地數千方里編民五十餘萬徒以天災匪禍迭

太康縣志

序

二

相乘除蚩蚩之氓遂陷於蒙昧無識與貧困難堪之環境而不能自拔故予施政方針斤斤以興學爲先務蓋誠欲以教之者富之也孔子之論既庶加富既富加教誠以時代不同故治術亦異而望治之心則一也孔子又云三年有成予之蒞斯土屈指近三年矣向所揭興學之旨今檢閱過去之紀錄其教育民衆者尙居少數訓政時期轉瞬屆滿吾黨所期於全民政治已不易幾及而民生問題之解決前途更自渺茫然則斯編之成亦聊以志吾過而用自奮勵邦人君子且願與共策奮勵俾教而富者克底於有成以完成民有民治民享之建設也故於志之成並述其顛末而爲之序民國二十二年仲春月太康縣縣長永新周鎮西松圃甫撰

序

叙曰周官司會之職于郊野縣都掌其書契版圖之司貳書之職復掌邦國之版以知田野夫家六畜之數以逆羣吏之政令懿後代邑乘方志之興蓋權輿于蒼姬之世矣又如外史掌四方之志注謂晉乘楚檮杌等非即地志通紀之始乎形方氏掌邦國之地域而正其封疆山師川師掌山林川澤之名原師辨原隰墳衍丘陵之名非即方乘輿地志之始乎訓方氏掌道四方之政事與其上下之志註謂四方諸侯也此非方乘政務志之始乎訓方氏掌誦四方之傳道大師之陳列國風詩此非方乘藝文志之始乎又如大司樂以成均之法治建國之學政而合國之子弟此即方乘學校志之所本也黨正掌屬民讀法以書其德行道藝閭胥之職值大比之年於民之敬敏任卹者則書之以待選舉此即方乘人物列女二傳之所昉也如是則縣志所有條例殆已應有盡有足知古聖王之嘉惠吾後人者至悉且備吾儕應何等奮厲而張皇之歟原太康之有志蓋始於明神宗萬曆二十七年己亥邑令雲中張爾基永昌沈再思先

太康縣志

序

三

後成之後六十年清世祖順治十六年邑令繁時張懷璧續修八卷後三十八年清聖祖康熙三十六年邑令燕山朴懷寶續修十卷後六十四年清高宗乾隆二十六年邑令長白武昌國續修八卷今其書國立北平圖書館有藏本後六十七年清宣宗道光八年邑令都昌戴鳳翔續修八卷是後國家多故文教失揆降至民國十七年戊辰凡缺修者已一百年所矣歲在壬申永新周君松圃出宰太康政理之暇乃鳩僦志之舊稿新料介張教授遂青遠屬盼遂盼遂重違其意諾之時東鯤興戎北地阡危爰與舍弟銘恕發篋陳書昕夕從事旋編旋印無慮十閱月獲潰厥續竟脫于炸彈唐克之厄亦云倖矣惟予於茲志之纂私意有可說者數事太康人文之盛盛於三國六朝爾時袁氏聯族以龍驤謝宗累葉而鳳舉門閥之峻殆莫與京袁謝二家譜牒載諸隋志丁唐代不振家牒俄空焉今特參酌羣籍畧本之歐陽氏唐宰相世系表汪藻世說新語人名譜周嘉猷補南北史世系表諸書重譜袁謝二家昭穆次第以見白楊烏衣之盛概何氏之在典午世篤材桀雖亡也忽焉自一時之華宗也亦譜之如

袁謝例此前賢之所未暇者一也各地志乘例列八景不審昉自何時惟元人輯皇元風雅中載陳剛中有神州八景詩張天師有灤京八景詩各爲七言律詩八首知此風已盛行于元代太康戴志首繪八景圖詠爲歌臺流響靈塔晴光花萼春榮長山積翠蓮池夜月霸壘斜陽渦水秋瀾宋岡紅葉等八則是此無益史實徒耗子墨蓋勝迹本自天成各地顯有不齊苟嚴加檢討則一邑或一景而併無強爲假銜則一邑即百景可坐致此誠由歷來文士昧于史體術弄伎倆非所宜有徑予剪伐此前賢之所未暇者二也方志中所謂藝文志向不過撮錄野寺之石刻諛墓之碑銘獻媚豪紳之壽序吟弄風月之詩詞靡切掌固取充篇幅已爾章學誠主於正志之外別立文徵一科余紹宋修龍游志承用章說別爲文徵若干卷可謂審于取舍者第此例施諸小邑寡民尚非不可若太康則李唐以前作者輩出詩文之今存者不下數十百卷儻別爲文徵附諸志後將無增尾大不掉之累其便未見今特于藝文一門約立四目曰著書目曰唐前文目皆注明出處以示不妄倘有酷嗜風雅者按圖索驥別編太

太康縣志

序

四

康文彙之書則不難俯拾即是更成偉觀也曰金石目古人所託以不朽後人所資以考古胥于金石是賴惟太康金石無多故別縣可出金石爲專門者今止附庸于藝文中爾曰文存詩存自宋以降距今較近其文不乏有關於今之政教可以展轉相印證者其辭采之修潔以否非所齷齪必較此前賢之所未暇者三也至若改選舉爲出身表本自盼遂創擬誠以舉貢射策足稱科第議會賢良方副選舉降至清末學校畢業軍伍效功繩以科第選舉均未脗合獨其爲出身之階則初無二致故今逕易爲出身表以期周匝至嘗試之底績抑折閱尙期於海內同志之詳加擘幾矣民國二十二年六月五日序於清華園工字廳劉盼遂

太康縣志

總目

卷首 叙文

圖片 縣知事肖像 續修志館職員 縣公署 縣公署大門 文
 廟 戟門 渦河決口 三里橋黃汜 宋橋黃汜 縣城西南隅黃
 汜 縣城東南隅黃汜 新店舖民堤修築 楊橋口民堤修築 東
 關木橋 北關木橋 縣現境圖 縣城圖 二十九年黃汜圖 黃
 河堤綫上游平面圖 黃河堤綫下游略圖 修築新黃河堤概略說
 明 現區面積比較圖

卷一 通紀

卷二 輿地志

卷三 政務志

卷四 教育志

太康縣志

總目

卷五 藝文志上

卷六 藝文志下

卷七 職官表 附宦績略

卷八 出身表

卷九 人物傳上

卷十 人物傳下

卷十一 列女傳

卷十二 縣志始末




縣知事郭成章玉照


太康縣新修志館職員合影
民國三十一年六月二十日









大盛莊公若
新建大門喜
成備影能念
民國十一年十一月



大康縣渴河堤防潰決災况



大康縣西關外黃水災况



况灾水黄近附橋里三河渴縣康太




大康縣西關三里橋黃水災况




大康縣河宋橋地方黃水災况




大康縣城西一南帶黃水災况



大康縣東城南一帶黃水災况



高堤築鋪店新縣康太



太康縣楊橋堵口




太康縣東關木橋



大康縣北關木橋遺蹟




大康縣區治現勢圖




二二二二二

太康縣城圖




太康縣二十二年黃水氾濫略圖



太康縣新黃河上游堤防綫平面圖

水制工	復序工	堤防法線	圖例
-----	-----	------	----



二六四號

圖略綫堤游下河新縣康太




		圖
新黃河	舊堤線	例

太康縣修築新黃河堤概略說明

查太康自二十七年河決中牟由西北楊橋口迤邐南下經縣西長營丁村口東南過淮陽南十二里王店水勢浩蕩沖壞田廬不可勝計二十九年七月五日河又東決由江村芝蔴窪斧頭崗直達縣城幾乎漫溢全境北至轉隆店南至老塚一片汪洋深幾滅頂往來旅行非船莫渡延至十二月水勢稍殺及三十年二月舊黃河北岸突露百姓自動就岸修堤及六月十五日上自劉河下達馬廠七十餘里之堤線已大略告成及三十一年元月由河南省公署成立新黃河築堤委員會派技術員查勘堤防形勢二月奉到省公署築堤委員會水工字第一號訓令內開查建築新黃河堤防國脈攸關民生所係若不澈底防禦終爲邦家之憂本省有鑒及此業由三十年度開始修築惟河床日漸增高故本年度仍須繼續修補所需技術人員業由省方議定指派現已馳赴現場工作合亟令仰該縣切實遵照技術員之指導並速派民夫到該管工區認真工作不得遲誤爲要此令遵於本年二月二十日開工至七月一日堤工告

太康縣志

卷首

竣爲期僅閱五月而鉅堤巍然橫亘爲人民之保障至下游民堤自魏灣起至丁口止長約四十華里經豫東道吳技正規畫堤線於本年七月十五日開工至八月底竣工勞力由太康擔負過半餘歸柘鹿擔負工程與上游等時逾半載而兩段堤綫相繼報竣沿河一帶人民均藉以稍獲安居人力勝天洵匪虛語特爲敘述巔末以備參攷

表較比積面區各康太

